



Samgöngu- og
sveitarstjórnarráðuneytið
Sendist rafrænt á srn@srn.is

Reykjavík, 13. ágúst 2020

Tilvísun: 2020070076

SE/

Tilv. ykkar:

Efni: Áform um frumvarp til laga um breyting á lögum um farþegaflutninga- og farmflutninga nr. 28/2017, mál 140/2020 í samráðsgátt stjórnvalda.

Samgönguráðuneytið tilkynnti þann 30. júlí sl. í samráðsgátt stjórnvalda ofangreind áform um frumvarp til laga um breyting á lögum um farþegaflutninga- og farmflutninga nr. 28/2017 og óskaði umsagnar um þau.

Í kynningu á fyrirhuguðu frumvarpi í samráðsgátt kemur fram að efni þess sé tvíþætt, annars vegar að veita rekstraraðilum heimild til að leggja féviti á farþega í almenningssamgöngum og hins vegar niðurfelling þess skilyrðis ferðaþjónustuleyfis að leyfishafi sé með almennt rekstrarleyfi til fólksflutninga.

Áformað frumvarp mun innihalda heimild til að leggja féviti á farþega sem ekki virða reglur um greiðslu fargjalds, notkun aðgangskorta, aðgangstakmarkanir, umgengni og aðra þætti í þjónustu rekstraraðila reglubundinna farþegaflutninga. Er markmið breytinganna að styðja við uppbyggingu og eflingu almenningssamgangna um land allt og uppbyggingu Borgarlínu á höfuðborgarsvæðinu í samstarfi við Samtök sveitarfélaga á höfuðborgarsvæðinu.

Með því að taka upp skilvirkari lausnir við innheimtu fargjalda í almenningssamgöngum er unnt að flýta afgreiðslu vagna, stytta biðtíma og þannig auka þjónustu við notendur þeirra. Einfaldari umsýsla dregur úr kostnaði og eykur þannig hagkvæmni þjónustunnar. Þær lausnir sem horft er til eru þess eðlis að óhjákvæmilega verður auðveldara að komast undan greiðslu fargjalds. Fallast má á að til að bregðast við þessu og skapa varnaðaráhrif sé ekki annarra kosta völ en að gera rekstraraðilum kleyft að leggja á féviti sem viðurlög við slíkum brotum. Að öðrum kosti er hætt við að tekjutap vegna undanskots dragi úr hagkvæmni þeirra lausna sem horft er til.

Vegagerðin fer með skipulag almenningssamgangna á landi sbr. 3. mgr. 2. gr. laga nr. 28/2017. Með vísan til framangreinds og annarra röksemda sem fram koma í kynningu er Vegagerðin fylgjandi fyrirhuguðu frumvarpi hvað varðar heimild til álagningar févítis vegna brota gegn skyldu til greiðslu fargjalda og annarra brota af hálfu notenda almenningssamgangna.

Virðingarfyllst,



Stefán Erlendsson, lögmaður, LL.M

Forstöðumaður lögfræðideildar.